

ՀՐԱԾԵՇՏ ՄԵԾԱՆՈՒՆ ԳՐՈՂԻՆ

ՄԹԱՍՄԻՆՆԵՐ ԽԱՐՈՒԱ ԱՄԻՐԵՋԻԲԻ ՎԵՐՋԻՆ ՀԱՆԳՐՎԱՆ



Դեկտեմբերի 17-ին, Մթածմինդայի գրողների և հասարակական գործիչների պանթեոնում, անցկացվեց վրաց ճանաչված գրող Գրաբու Ամիրեջիբու հուղարկավորության արարողությունը: Հուղարկավորությանը ներկա էին Վրաստանի նախկին վարչապետ Բիծինա Իվանիշվիլին, Վրաստանի կառավարության անդամներ և խորհրդարանի պատգամավորներ, մտավորականության ներկայացուցիչներ:

Հիշեցնենք, որ Գրաբու Ամիրեջիբին վախճանվեց դեկտեմբերի 13-ին, 92 տարեկան հասակում:

Վրաց գրողների և հասարակական գործիչների պանթեոն Մթածմինդան գտնվում է Թբիլիսիի նույնանուն լեռան լանջին, Սուրբ Դավիթ եկեղեցու տարածքում: Այստեղ են թաղված ռուս ճանաչված գրող, դիվանագետ Ալեքսանդր Գրիբոյեդովի (1795-1829) և նրա կնոջ Նինո ճավճավաձեի (1812-1857) շիրիմները: Այստեղ են թաղված նաև բանաստեղծ Նիկոլոզ Բարաթաշվիլին (1817-1845), լուսավորիչ Յակոբ Գոգեբաշվիլին (1840-1912), գրող Իլիա ճավճավաձեն (1837-1907), բանաստեղծ Գալակտիոն Տաբիձեն (1892-1959), դերասանուհի Վերիկո Անջափարիձեն (1897-1987) և արվեստի ու հասարակական ճանաչված այլ գործիչներ:

Վերջինը, 2010 թվականին, այստեղ հուղարկավորեցին բանաստեղծ Մուխրան Մաճավարիանուն:

Դրանից հետո, Թբիլիսիի քաղաքապետարանը հայտարարեց, որ պանթեոնում իբր ազատ տեղեր չկան, և այն փակվում է: Հա-

սարակության շատ ներկայացուցիչներ այդ հայտարարությունը գնահատեցին որպես իշխանությունների նկատմամբ այն ժամանակ ընդդիմադիր տրամադրված գրող Գրաբու Ամիրեջիբին այնտեղ հուղարկավորելուց հրաժարում: Ինքը՝ գրողը, ոչ առանց ծաղրանքի հայտարարեց, որ իր հուղարկավորության վայրը կորոշի Վրաստանի ժողովուրդը: Եվ ահա երկրի կառավարությունը ընդունեց որոշում՝ վրաց ճանաչված գրողին հուղարկավորել այնտեղ, որտեղ նա արժանի է, այսինքն՝ Մթածմինդայի պանթեոնում:



ԻՐԱՎԱԿԱՆ

ՆԵՆԳԱՇՈՐԹՈՒՄ. ՍԱԿԱՅՆ ՈՒՄ ՀԱՍՑԵՈՎ

«Միասնական ազգային շարժման» գլխավոր քարտուղար, Վրաստանի նախկին վարչապետ Վանո Մերաբիշվիլին, Վրաստանի գլխավոր դատախազ Օթար Փարցխալաձենին մեղադրեց նեոգաղութային մեջ:

Քուբայիսիում անցկացվող դատավարությանը, Վանո Մերաբիշվիլու հայտարարության համաձայն, դեկտեմբերի 13-ի գիշերված ժամը 1-ն անց 30-ին իրեն բանտից տարել են դատախազի հետ հանդիպման: Նախկին վարչապետի հավաստմամբ, գլխավոր դատախազը իրեն ներկայացրել է վերջնագիր. եթե ինքը դատախազությանը չօգնի նախկին վարչապետ Ջուրաբ ժվանիայի գործի հետաքննության ընթացքում և չտա նախկին նախագահ Միխեիլ Սակաշվիլու բանկային հաշիվների համաձայնագրերը, ապա «շատ կփոշմանի»: Մերաբիշվիլին հայտարարեց նաև, որ Փարցխալաձեն խոստացել էր այդ դեպքում կտրուկ վատացնել նաև բանտում նրա գտնվելու պայմանները:

Օթար Փարցխալաձենին Մերաբիշվիլու դատավարության գործից հեռացնելու պահանջ: Իրենց հերթին, Վանո Մերաբիշվիլու փաստաբանները քրեակատարողական նախարարությունից պահանջել են բանտում գտնվող բոլոր տեսախցիկների վերջին շաբաթվա ընթացքում կատարած տեսագրությունները: Վրաստանի արդարադատության նախարար Թեա Օուլուկիանին երկրի գլխավոր դատախազությանը և քրեակատարողական նախարարությանը կոչ է արել հստակ պատասխան ներկայացնել Մերաբիշվիլու մեղադրանքներին:

Վրաստանի գլխավոր դատախազությունը տարածած պաշտոնական հայտարարության մեջ կտրականապես հերքում է Վանո Մերաբիշվիլու Քուբայիսիի դատավարության ժամանակ տարածած հայտարարությունը: «Մերաբիշվիլու հայտարարությունն անհեթեթություն է և չի համապատասխանում իրականությանը»: Չլիսավոր դատախազությունը կտրականապես հերքում է այդ անձի վրա ճնշման փաստը և ընդգծում, որ այն բանից հե-

տո, երբ Մերաբիշվիլու դատական գործը բեռակոխել է եզրափակիչ փուլ, մեղադրյալների և նրանց կողմնակիցների կողմից իրականացվում են տարբեր գործողություններ՝ ուղղված հասարակայնությանը թյուրիմացության մեջ օգնելու և դատավարության մասնակիցների վրա ճնշում գործադրելուն»,- ասված է հայտարարության մեջ:

Իր հերթին, Վրաստանի վարչապետ Իրակլի Դարիբաշվիլին հայտարարեց, որ Վանո Մերաբիշվիլու հայտարարությունը կարելի է ընկալել՝ որպես նախկին նախագահ Միխեիլ Սակաշվիլու նեոգաղութային փորձ:

«Բացառված չէ, որ նա այդպիսով փորձում էր շանտաժի ենթարկել իր նախկին պետին Միխեիլ Սակաշվիլուն՝ շեշտը դնելով ժվանիայի մահվան անբացատրելի հանգամանքների ու Սակաշվիլու ֆինանսական ռեսուրսների վրա»,- հայտարարեց վարչապետը: Միաժամանակ, նա նշեց, որ դա նոր իշխանության սադրանք է, նոր դատախազի վարկաբեկում փորձ կամ, հնարավոր է, «դա պայմանավորված է այն վախի հետ, որը կապված է ժվանիայի անձնական պահապանի ծերակալության հետ»,- ընդգծեց վարչապետը:

ՆՈՐ ՄԵՂԱԴՐԱՆՔՆԵՐ ԹԲԻԼԻՍԻԻ ՔԱՂԱՔԱՊԵՏԻՆ

Վրաստանի գլխավոր դատախազությունը Թբիլիսիի քաղաքապետին ներկայացրել է նոր մեղադրանք: Ինչպես հայտարարեց դատախազության ներկայացուցիչը, Գիգի Ուզուլավան մեղադրվում է բյուջետային միջոցների յուրացման համար հանցախմբի ստեղծման մեջ:

Խոսքը վերաբերում է Թբիլիսիի վերակառուցման եւ գարգացման հիմնադրամից 48 միլիոն լարիի ծախսմանը:

Հիշեցնենք, որ ավելի վաղ նա մեղադրվում էր «Իմեդի» հեռուստաընկերության փայաբաժնի սեփականացման և Ռիլեի զբոսայգու հետ կապված

մեքենայություններում: Իր հերթին, Գիգի Ուզուլավան նոր մեղադրանքները գնահատում է որպես Բիծինա Իվանիշվիլու վրեժխնդրության շարունակություն: Նրա խոսքերով, այս անգամ կապված է մոտավորապես տեղական ինքնակառավարման ընտրությունների հետ:

Թբիլիսիի վերակառուցման եւ զարգացման հիմնադրամից կատարած ապօրինի ծախսերի մեղադրանքով, մինչ այդ, ծերակալել էին մայրաքաղաքի հին Թբիլիսիի շրջանի վարչության ղեկավար Լաշա Փուրցվանիձենին և նրա տեղակալ Կոբա Խարշելաձենին: Դատախազությունում այդ գործով հարցաքննվել են քաղաքապետարանի աշխատակիցներ Դավիթ Ավալիձեն, Դավիթ Ավալիանին և Ալեքսի Տաբուաշվիլին:

ԲԵՆԻԿ ՍԵՅՐԱՆՅԱՆ - 100

ԿԵՐՊԱՐ՝ ՄԻՏՎԱԾ ՀԱՎԵՐԺՈՒԹՅԱՆԸ

Վիրահայրը թեմի Լինոնմինդայի շրջանի Ռաֆայել Ջավախբ Դարսլյանի անվան նորաբաց մշակութային կենտրոնում, դեկտեմբերի 12-ին համ-դիսավորապես նշվեց վիրահայր անվանի արձակագիր, լրագրող Բենիկ Սեյրանյանի ծննդյան 100-ամյա հոբելյանը: Հավաքվել էին շրջանի մտավորականության ներկայացուցիչներ՝ գրողներ, մանկավարժներ, լրագրողներ, գրադարանավարներ:



Իր ելույթում, «Վերնատուն» միության նախագահ Ժ.Սնիշյանը մեծարանքի եւ գնահատանքի խոսքեր ուղղեց անվանի գրողի հասցեին, որի բեղուն գրչի արդյունքը եղան ոչ միայն նրա 50-ից ավելի հայերեն, վրացերեն և այլ լեզուներով տպագրված հիանալի գրքերը, այլև նրա բուռն գործունեությունը՝ որպես Վրաստանի գրողների միության հայկական բաժանմունքի նախագահի, նաև՝ այդ բաժանմունքի տարեգրքի խմբագիր, «Սայաթնուվյան վարդատունի», «Գարունը գարնան մեջ» փառատունի կազմակերպիչ և վարորդի, ակնավոր լրագրողի անցած ուղին: Հանդիսավար-գեկուցողը պատմեց Բենիկ Սեյրանյանի կյանքի, որպես իսկական թբիլիսահայի, ընկերական շրջա-

պատում ունեցած հնաքի, նրա հրաշալի ընտանիքի մասին: Միջոցառման ընթացքում ելույթներ ունեցան նրանք, ովքեր անձամբ չփվել էին մեծ գրողի հետ, նաև նրանք, ովքեր գրողին գիտեին կա՛ն նրա հեղինակած գրքերից, կա՛ն «Վրաստան» թերթի էջերից: Ապա տեղի ունեցավ գրքերի նվիրատվություն՝ հանրային գրադարաններին: Ընթերցողին ընծայվեցին վերջերս Վիրահայրի միջնորդությամբ և Գալուստ Գյուլբենկյան հիմնադրամի միջոցներով լույս տեսած Սերգեյ Առաքելյանի և Գովհարյան Մարիկյանի գրքերի օրինակներ, ինչպես նաև վերջին տարիներին տպագրած գրքե-

րը գրադարանային համակարգին նվիրեց Վրաստանի հայ գրողների «Վերնատուն» միության Ջավախբի բաժանմունքի ղեկավար Ալբերտ Իսոյանը:

Միջոցառումը զարդարեցին Բ.Սեյրանյանի, Ս.Առաքելյանի, Հ.Մարիկյանի և Ա.Իսոյանի գրքերից ընթերցված հատվածները ու բանաստեղծությունները:

Հորեյանական ցերեկույթի կազմակերպմանը իրենց աջակցություն էին բերել Լինոնմինդայի գրադարանային համակարգի (տնօրեն՝ Յողիկ Խաչատրյան) և սովորող երիտասարդության արվեստի «Արեւիկ» շրջանային կենտրոնի (տնօրեն՝ Աստղիկ Դարբինյան) աշխատակիցները:

ՍԱԹԻԿ ՄՎՐՏՅԱՆ p. Լինոնմինդա

ՕՐԵՆՍԴՐՈՒԹՅՈՒՆ

ՓՈՓՈԽՈՒԹՅՈՒՆՆԵՐ՝ ՎՐԱՍՏԱՆԻ ԱՆԽԱՏԱՆՔԱՅԻՆ ՕՐԵՆՍԳՐՔՈՒՄ



Խորագիրը վարում է «Վրաստան» թերթի իրավաբանական խորհրդական ԻՐԻՆԵ ՂՈՆՏԻՆ:

Ինչպես արդեն հաղորդել ենք, «Վրաստանի աշխատանքային օրենսգիրք» օրգանական օրենքում կատարվել են մի շարք փոփոխություններ, որոնք ուժի մեջ են մտել 2013 թվականի հուլիսի 4-ից:

Ստորև ձեռ ուշադրությանն ենք ներկայացնում խմբագրության փոստով ստացված այն հարցերի պատասխանները, որոնք նոր օրենսդրության համաձայն, վերաբերում են աշխատանքային ժամանակին, վարձատրությանը, արձակուրդին (այդ թվում՝ հղիության, ծննդաբերության և երեխային խնամելու պատճառով), անվտանգ և առողջ աշխատանքային պայմանների ստեղծմանը, աշխատանքային հարաբերությունների ընդհատման կամ դադարեցման կարգին ու պայմաններին:

Հարց. Խնդրում եմ պարզաբանել աշխատանքային ժամանակ և աշխատանքային ժամանակի տեւողություն հասկացությունները:

Ախաբալաքի Ա.ԳԵՎՈՐԳՅԱՆ

Պատասխան. Միանգամից նշեք, որ աշխատանքային ժամանակը իրավական ժամանակի այն տեւողությունն է, որի ընթացքում աշխատողը պետք է կատարի ծառայական պարտականությունները՝ աշխատանքային կարգուկանոնին համապատասխան: Եթե մինչև 2013 թվականի հուլիսի 4-ը գործատուի կողմից սահմանված աշխատանքային շաբաթվա տեւողությունը 41 ժամ էր, ապա, օրենսգրքում փոփոխություններ կատարելուց հետո, այն հավասարեցվել է հանրային աշխատողների (պետական պաշտոնյաների) աշխատանքային պայմաններին և նվազեցվել է մեկ ժամով՝ կազմելով 40 ժամ: Ընթացիկ տարվա հուլիսի 4-ից սահմանվեց նաև, որ յուրաքանչյուր աշխատակարգ ունեցող արտադրությունում, որտեղ աշխատանքային գործընթացը նախատեսում է 8 ժամից ավելի տեւողության անընդմեջ աշխատակարգ, աշխատանքային ժամա-

նակի տեւողությունը չպետք է գերազանցի շաբաթական 48 ժամը: Ընդամենը, աշխատանքային ժամանակի մեջ չեն մտնում ընդմիջման և հանգստյան ժամանակները:

Նաև ավելացնենք, որ աշխարհում բոլորից շատ տարածված է 5-օրյա աշխատանքային շաբաթվա մոդելը: Ինչպես մինչև 2013 թվականի հուլիսի 4-ը, այնպես էլ՝ դրանից հետո ընդունած փոփոխությունների և լրացումների արդյունքում, Վրաստանի աշխատանքային օրենսգիրքը չի խախտել աշխատանքային շաբաթվա տեւողության վերաբերյալ վերոնշյալ կարգը, սակայն չի սահմանել նաև, թե քանի օր է կազմելու աշխատանքային շաբաթը: Այդ պատճառով, մեր երկրում աշխատանքային օրվա տեւողությունը կարող է սահմանվել՝ ելնելով նրանից, թե գործատուի կողմից աշխատանքային քանի շաբաթ է ծրագրված:

Հարց. Խնդրում եմ պարզաբանել՝ աշխատանքային նոր օրենսգիրքը նախատեսո՞ւմ է արդյոք, անչափահասների (մինչև 18 տարեկանների) և ծանր ու վնասակար պայմաններում աշխատողների համար աշխատանքային ժամանակի նվազեցման հանգամանքը:

Մառնեուկի Ա.ՊԵՏՐՈՍՅԱՆ

Պատասխան. Բնականաբար, նոր օրենսգրքում այդ ուղղությամբ որոշակի փոփոխություններ են կատարվել, ըստ որի, 16-ից մինչև 18 տարեկան անչափահասների աշխատանքային ժամանակը չպետք է գերազանցի շաբաթական 36 ժամը, իսկ 14-ից

մինչև 16 տարեկանների աշխատանքային շաբաթը կազմելու է 24 ժամ: Ինչ վերաբերում է ծանր և վնասակար պայմաններում աշխատողների աշխատանքային ժամանակին, ապա աշխատանքային օրենսգրքում այդ մասին ոչինչ չի ասվում:

ԾՁ ԾՈ - ձ 2 ի 2 ռ Է 2 Ս 2 ՍԷ 2 1/2 Ս Է ձ Ծ Ծ ձ Ծ Ծ Ս Ծ

ՀՐԱՏԱԳ

Ի՞նչ ԾՁ ԾՈ՞Ւ ԱՅՍ

ԸՆՏԱՆԵԿԱՆ ԵԳՆԱԺԱՍ

Վերջերս նկատելի խորություն է ծագել իմ ու ամուսնու միջև: Զգում եմ, որ խոսելիս, ավելի սպուրդ ինչ լսելիս, շար անուշադիր է, իսկ դա ինչ համբերությունից հանում է սկսում եմ կոպտել: Եվ գրեթե այդպես՝ ամեն օր: Զգիտեմ ի՞նչ անել:



Ա.Թ.

Թբիլիսի

Եթե դուք օրինավոր ընտանիք ունեք, պարզապես աշխատանքից տուն վերադարձող ձեր ամուսնուն ավելի շատ վերջին լուրերն են հետաքրքրում, քան անձնական հարաբերությունները, հնարավոր է, որ պատճառը տարիքային ճգնաժամն է: Հարաբերությունների ամենամեծ մար ճգնաժամը վրա է հասնում այն ժամանակ, երբ զգացմունքները թուլանում են: Խոսքը եւ փորձեր սերը պահպանել: Խուսափեք բացասական նախազուգացումներից ու մտքերից: Համախ է պատահում, որ աշխատանքի մեջ հաջողակ, հրաշալի կին ու երեխաներ

ունեցող տղամարդը պարզապես դժգոհ է լինում ինքն իրենից: Դա անհատական ճգնաժամ է, երբ մարդը չի կարողանում հասկանալ իր դժգոհության պատճառները եւ ինքնաբերաբար իր անբավարարությունը զուգընկերոջ գլխին է թափում: Այդ վիճակից հնարավոր է դուրս գալ, եթե մարդը պատրաստ է երկխոսության եւ լիովին վստահում է ձեզ: Փորձեք նրան հասկացնել, որ դուք ցանկացած պահի պատրաստ եք լսել եւ օգնել նրան: Ձեր օգնությունն ու մասնակցությունն այս դեպքում պարզապես անհրաժեշտություն է:

2 Է ԱԾՄՁ



ԻՆՉՊԵՍ ՆՎԵՐ ԸՆՏՐԵԼ

Զգիտեմ չեզ մոտ ինչպես է սակայն միշտ երբ պարտասովում ենք հյուր գնալ, ինչ անհանգստացնում է մի կնճռուտ հարց՝ ի՞նչ նվեր տանել: Անկեղծ ասած, իմ երեւակայությունն արդեն չի բավարարում այդ հարցին պարտասովում ելու համար: Գուցե դուք օգնեք: Վ. ՎԱՐՊԱՆՅԱՆ

Բայթուվի

Իհարկե, դա ճաշակի խնդիր է, սակայն թանկարժեք իրեր գնելու կարիք չկա: Դրանով մենք նվեր ստացողին եւ մյուս հյուրերին, որոնց գրպանին դա հարիր չէ, դժվարին կացության մեջ ենք դնում: Նվերը պետք է նախապես ընտրել, մտածված կերպով՝ ստացողի հետաքրքրությունները հաշվի առնելով: Միայն այդ դեպքում այն կուրախացնի:

տահայտություններից, ինչպես «Ամբողջ օրը վազվզեցի, բայց ավելի լավ բան չգտա»:

Քաղաքավարի մարդը, նվեր ստանալիս, շնորհակալություն է հայտնում, բացում, նայում եւ կրկին շնորհակալություն հայտնում: Եվ անպայման ժպիտով: Դժգոհությունը տեղին չէ, եթե նույնիսկ ձեզ մի այնպիսի բան են նվիրել, որից դուք արդեն ունեք: Հյուրը կարող է չհամաձայնել, եւ կարիք չկա այդ մասին նրան տեղեկացնել:

Եթե ձեզ կոմֆլեյտներ, տորթ կամ մեկ այլ քաղցրավենիք են բերել, մի՛ մոռացեք հյուրասիրել ներկայներից:

Բոլոր դեպքերում ծաղիկները լավագույն նվերն են, այլ ոչ թե մեկ այլ նվերի հավելում: Այլ կարմիր վարդերը ընդունված է նվիրել մորը, կնոջը, քրոջը, հարսնացուին: Կարմիրը համարվում է սիրո գույն:

Դեկորատիվ ծաղկամաններով ծաղիկներ պետք է նվիրել մտերիմ մարդկանց կամ այն դեպքում, եթե գիտեք, որ տվյալ անձը ցանկանում է այդ ծաղկից ունենալ:

ՄԱՄԵՆԱԳԵՏԻ ԽՈՐՀՈՒՐԴ

ԵՐԿԱՐ ՈՒ ԽԻՏ ԹԱՐԹԻՉՆԵՐԸ ԳԵՂԵՅՎԱՅՆՈՒՄ ԵՆ ՎԱՆԱՆՑ

Ցանկացած կին երագում է երկար ու խիտ թարթիչների մասին: Հենց դրանք են հայացքին անհրկնելի արտահայտչականություն տալիս՝ գրավելով հակառակ սեռի ներկայացուցիչներին: Բայց, ցավոք, ժամանակակից կոսմետիկ միջոցներն այնքան հազեցած են անհասկանալի բաղադրիչներով, որ ոչ միայն չեն նպաստում թարթիչների աճին, այլեւ փչացնում են դրանք: Դա վերաբերում է հատկապես թարթիչների սեւ ներկին: Որքան էլ դրանք արժենան, արդյունքը ժամանակավոր է լինում: Իսկ եթե նաեւ մոռանաք գիշերը մաքրել դիմափարոսները, կարող եք առավոտյան առանց թարթիչի արթնանալ: Պարզվում է խիտ ու գեղեցիկ թարթիչներ ունենալու համար ամենեւին էլ պետք չէ մի ամբողջ կարողություն վատնել, բավական է դիմել ժողովրդական միջոցների օգնությանը:



Ահա մի քանի բաղադրատոմսեր.

- 1. Թարթիչների խտության եւ աճի համար վերցրեք մի քիչ կոնյակ, կռատուկի յուղ եւ վազելին: Հավասար չափաբաժնով խառնեք եւ երկու շաբաթ շարունակ քնելուց առաջ քսեք թարթիչներին: Արդյունքը շատ արագ կնկատեք:
2. Մեկ այլ բաղադրատոմս էլ վազելինի եւ գերչակի յուղի խառնուրդն է: Արդյունքը նույնն է:
3. Հիշեք նաեւ, որ թարթիչների համար օգտակար է գերչակի յուղի մեջ թաթախված փոքրիկ խոզանակով կոպերի թեթեւ մերսումը: Բայց ուշադիր եղեք, որպեսզի յուղն աչքերի մեջ չլցվի:

ԻՆՉՊԵՍ ՊԱՅՔԱՐԵԼ ԱՎԵԼՈՐԴ ԿԻՆՈԳՐԱՄՆԵՐԻ ԴԵՍ

Գիրությունը վերջին հարյուրամյակի ամենատարածված համամարդկային հիմնախնդիրն է, որի դեմ պայքարում մարդիկ օգտագործել են հազար ու մի դիտար, բուսական ծաղման հազարավոր դեղատոմսեր, թեպետ շատ մարդկանց, առանձնապես՝ կանանց, անհանգստացնող այդ երեւույթի կամխանան ամփոփիչ բաղադրատոմսը այդպես էլ չհայտնաբերվեց:

Ձեզ ենք առաջարկում գիրության դեմ պայքարի ինչպես ավանդական, այնպես էլ ոչ ավանդական մի քանի մեթոդներ:

ՕՐԱՎԱՆ ԵՐԿՈՒ ԲԱԺԱԿ ՎԱՐՁ՝ ԲԱՐԵԿԱԶՍ ՍԱՐՄՆԻ ԵՐԱՇԽԻՔ



Գիտնականները պնդում են, որ օրական երկու բաժակ կաթը կօգնի ավելորդ քաշի դեմ պայքարում: Դա, համատեղելով դիետայի եւ համապատասխան ֆիզիկական ծանրաբեռնվածության հետ, թույլ կտա ավելի արդյունավետ կերպով ազատվել ավելորդ քաշից: Ընդ որում՝ կաթը որեւէ հակացուցում չունի: 2 տարի շարունակ իրականացվող հետազոտությունը հաստատել է այս մեթոդի արդյունավետությունը: 40-65 տարեկան հետազոտվողներն օրական երկու բաժակ կաթ են խմել: 2 տարի անց, նրանցից յուրաքանչյուրն առնվազն 5 կգ է կորցրել, փոխանցում է Medvesti.com-ը:

դիետաներից մեկը: Նրա տեսողությունը 7 օր է, իսկ արդյունքը՝ մոտ 7 կիլոգրամի կորուստ: Կարող են խնձորով դիետա պահել նաեւ նրանք, ում, առողջական խնդիրների պատճառով, հակացուցված են այլ դիետաները:

Յոթ օրվա համար անհրաժեշտ է. 1-ին օր՝ 1 կգ խնձոր, 2-րդ օր՝ 1,5 կգ խնձոր, 3-րդ օր՝ 2 կգ խնձոր, 4-րդ օր՝ 2 կգ խնձոր, 5-րդ օր՝ 1,5 կգ խնձոր, 6-րդ օր՝ 1,5 կգ խնձոր, 7-րդ օր՝ 1 կգ խնձոր: Դիմանալ 7 օր, միայն խնձոր



ուտելով, շատ բարդ է, բայց արդյունքը, հավատացե՛ք, Ձեզ կօհացնի: Եթե սիրում եք խնձոր, ապա այս դիետան հենց Ձեզ համար է: Կարող եք խմել նաեւ կանաչ թեյ եւ ջուր, ինչքան կամենաք: Իսկ նրանք, ովքեր չեն դիմանա այս խիստ դիետային, կարող են օրվա ընթացքում խմել նաեւ 2 բաժակ կեֆիր: Իսկ ծայրահեղ դեպքում, սկսած 5-րդ օրից, կարող եք օրվա ընթացքում մի փոքրիկ կտոր սեւ ընկույզ: Չկան սահմանափակումներ նաեւ խնձորի տեսակների, գույնի հարցում:

Բացի միհարելուց, խնձորի դիետան օգտակար է նաեւ մի քանի հիվանդությունների ժամանակ, ինչպես տասներկուամտնյա աղիքի խոցի դեպքում: Այս հիվանդությունն ունեցողները կա-

րող են օգտագործել միայն քաղցր խնձոր: Գաստրիտի դեպքում, նույնպես օգտակար է այս դիետան, բայց հակացուցված են քաղցր խնձորները: Իսկ եթե սիրտանոթային հիվանդություններ ունեք, ապա 1 կգ խնձորին ավելացրեք մինչեւ 100 գ շաքարավազ:

ՆԻՀԱՐԵԼ՝ ՀԱՍՐՈՒՅՐԻ ՄԻՋՈՑՈՎ

Գերմանացի գիտնականները հայտարարում են՝ «Եթե ուզում եք միհարել, բայց մարզարահ գնալու ժամանակ չունեք, դիմեք համբուլի օգնությանը»:

Հետազոտողները պարզել են՝ համբուլը կարող է լինել լավագույն դիետան: Երեք րոպեում մեկ կրթող համբուլը այնքան կալորիաներ է այրում, որքան կես կիլոմետրանոց վազքը:

Բանն այն է, որ համբուլի ժամանակ արագանում է նյութափոխանակության ընթացքը, բարելավում արյան շրջանառությունը:

Ի դեպ, համբուլը օգտակար է սրտի անոթների համար, մարդու մոտ որոշակի ժամանակով արագանում են ուղեղի գործողությունները, այն նպաստում է ուշադրության կենտրոնացմանը:

Գիտնականները պարզել են, որ բուժիչ համբուլը պետք է տեսի



հենց երեք րոպե: Իսկ առավելագույն արդյունքի հասնելու համար կարելի է համբուլվելիս զուգընկերոջ աչքերին նայել:

Համբուլվողի արյան մեջ բարձրանում է ադրենալինի մակարդակը, ինչն էլ, իր հերթին, ակտիվացնում է մտավոր եւ ֆիզիկական գործունեությունը:

ԹԵՎԱԿԱՐ ՄՏՔԵՐ

Մարդ տարին մեկ է ծնունդը նշում, բայց պետք է նշի ամեն առավուտ:

- ԱՐԱՄԱՅԻ ՍԱՀՎԱՅԱՆ (1920-2013) 7այ բանաստեղծ Օ՛հ, ժամանակներ, որ անուշ եկան ու երագի պես գնացին, հանգամ, իսկ ես նույնն եմ միշտ: Ա.ՃԱՎԵՆՎԱՅԵ (1786-1846) 4րդ քանաստեղծ Ով չի վտանգում իր կյանքը, նա երբեք այն ձեռք չի բերի: ՇԻԼԼԵՐ (1759-1805) Գերմանացի գրող
Մերը մեր գոյության սկիզբն ու ավարտն է: Առանց սիրո, կյանք գոյություն չունի: Այդ պատճառով էլ սերն այն է, ինչի առջեւ խոնարհվում են իմաստունները: ԿՈՆՖՈՒՅԻՈՍ (մ.թ.ա. 551-479) 2իմացի իմաստուն Միայն սիրտն է տեսնում: Ամենակարեւորը աչքերով չես տեսնի: ԱՆՏՈՒՆ ԴԸ ՄԵՆՏ-ԷՔՁՈՒՊԵՐԻ (1900-1944) Ֆրանսիացի գրող Հիմար հորթուկը վագրից չի վախենում:

Սերը մեր գոյության սկիզբն ու ավարտն է: Առանց սիրո, կյանք գոյություն չունի: Այդ պատճառով էլ սերն այն է, ինչի առջեւ խոնարհվում են իմաստունները:

ՉԻՆԱԿԱՆ ԱՄՍՅՎԱԾԸ

Ոմանք մոլորվում են մոլորության մեջ ընկնելու ահից: ԼԵՄԻՆԳ (1729-1781) Գերմանացի գրող, փիլիսոփա

Երբ փոքր էի, երագում էի, որ մի օր գեղեցիկ արքայազնը կգա սպիտակ ձիով եւ ինձ կտանի հեռու-հեռու: Հիմա այդ մասին երագում է ամուսինս: Ն.ԹԱՐԵՎՈՍՅԱՆ «Վրաստանի» ընթերցող

2 Ս Ծ Ի , ձ Ի Ս Ծ

* Ո՛նց իմանամ, թե ի՞նչ է մտածում իմ մասին իմ սիրած աղջիկը,- հարցնում է տղան հորը: - Ամուսնացիր հետը: * - Դուք ի՞նչ կմտածեիք իմ մասին, տիկին, եթե ես ձեզ օդային հասփուլայրներ ուղարկեի: - Որ դուք գործնական քայլերից խուսափող մարդ եք:

* - Այսօր մենք սեքսի մասին առաջին դասն ենք անցել,- դպրոցից տուն գալով՝ ասում է աղջիկը: - Եվ ի՞նչ պատմեցին ձեզ,- հարցնում է մայրը: - Է՛, մայրիկ, մեկ է, դու չես հասկանա: * Պատգամավորության թեկնածուին հարցնում են. - Ինչո՞ւ որոշեցիք առաջադրվել: - Ախր, նայե՛ք՝ ի՞նչ է կատարվում: Իշխանությունը թողված է շքեղության, անգործության, կոռուպցիայի մեջ: - Ուրեմն ուզում եք այդ ամենի դեմ պայքարե՞լ: - Չէ՛, ի՞նչ եք ասում: Ուզում եմ այդ ամենին

մասնակցել: * - Սիրելի՛ս, ես քեզ շատ-շատ եմ սիրում, բայց եթե իմանամ, որ ինձ դավաճանում ես, կսպանեմ: - Սի անհանգստացիր՝ չես իմանա: * - Հենց մի սիրուն կին ես տեսնում, մոռանում ես, որ ես կողքիդ եմ, նեղացած ասում է կինը: - Հակառակը, հենց այդ պահին եմ հիշում:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀԱՆԴԻՊՈՒՄ ԵԱՐԿ ՄԻՆԱԿԻ ԽՄԲԻ ՀԱՄԱՆԱԽԱԳԱՐՆԵՐԻ ՀԵՏ

Դեկտեմբերի 16-ին Հայաստանի նախագահ Սերժ Սարգսյանն ընդունել է ԵԱԿԿ Միմսկի խմբի համանախագահներ Իգոր Պոպովին (Ռուսաստան), Ջեյմս Ուորլիքին (ԱՄՆ), Ժակ Ֆորին (Ֆրանսիա) և ԵԱԿԿ գործող նախագահի անձնակազմի ներկայացուցիչ Անդրեյ Կասպրյանին:



Կարգավորմանը և տարածաշրջանային գործընթացներին վերաբերող մի շարք հարցեր:

Հանդիպման ժամանակ համանախագահները ներկայացրել են Բաքվում իրենց ունեցած հանդիպումների արդյունքները, ինչպես նաև Հայաստանի նախագահի հետ քննարկել դարաբաղյան հիմնախնդրի խաղաղ կարգավորման գործընթացի շրջանակներում նախագահական և նախարարական մակարդակներով հետագա հնարավոր

հանդիպումների վերաբերյալ հարցեր: Հաջորդ օրը Ստեփանակերտում կայացավ Արցախի Հանրապետության նախագահ Բակո Սահակյանի հանդիպումը ԵԱԿԿ Միմսկի խմբի համանախագահների և նրանց ուղեկցող անձանց հետ: Հանդիպմանը քննարկվել են ադրբեջանա-դարաբաղյան հակամարտության

ՔՆՆԱՐԿՎԵԼ Է ԳՈՐԾԱՐԱՐ ՄԻՋԱՎԱՅՐԻ ԲԱՐԵԼԱՎՄԱՆ ԾՐԱԳԻՐԸ



Մասնավորապես, քննարկվել են «Doing Business-2014» շրջանակում ըստ պետական կառավարման մարմինների նա-

Դեկտեմբերի 17-ին, Հայաստանի վարչապետ Տիգրան Սարգսյանի գլխավորությամբ, կառավարությունում տեղի է ունեցել խորհրդակցություն՝ նվիրված Հայաստանի գործարար միջավայրի («Doing Business») բարելավման 2014թ. միջոցառումների ծրագրին:

խառնված միջոցառումները, որոնք հնարավորություն են տալու բարելավել բիզնես միջավայրը Հայաստանում: Փաստաթղթի առնչությամբ մանրամասներով էլ դիտողություն-

ներով են հանդես եկել պատասխանատու նախարարությունների և գերատեսչությունների ներկայացուցիչները՝ անդրադառնալով իրենց կառույցների մասով նախատեսված միջոցառումներին: Տիգրան Սարգս-

ՕՐԱԿԱՐԳՈՒՄ ԷԻՆ ՌԱԶՄԱԿԱՆ ՀԱՄԱԳՈՐԾԱԿՑՈՒԹՅԱՆ ԽՈՐԱՑՄԱՆ ՀԱՐՑԵՐԸ

Դեկտեմբերի 18-ին Հայաստանի արտաքին գործերի նախարար Էդվարդ Նալբանդյանն ընդունել է Ռուսաստանի, Ուկրաինայի, Եվրասիայի հարցերով ԱՄՆ պաշտպանության քարտուղարի փոխտեղակալ Էվելին Ֆարկասին:



բանդյանը ներկայացրել է դարաբաղյան հիմնախնդրի կարգավորման գործընթացի վերջին խորագույնները, տարածաշրջանային խնդիրների վերաբերյալ Հայաստանի մտտեցումները:

Հանդիպման ընթացքում, անդրադարձ է կատարվել Հայաստանի մասնակցությանը միջազգային խաղաղապահ գործունեությանը, և կարելի էր ակնարկել Աֆղանստանում և Կոսովոյում խաղաղապահ առաքելություններին Հայաստանի ունեցած ներդրումը: Քննարկվել են Հայաստան-ՆԱՏՕ հարաբերությունները:

Արտգործնախարարն անդրադարձել է նաև տարածաշրջանում սպառազինությունների վերահսկման խնդիրներին, մասնավորապես՝ տարածաշրջանային խաղաղության պահպանման համար Եվրոպայում սովորական սպառազինությունների պայմանագրի արդիականացման կարևորությունը: Հյուրի խնդրանքով, նախարար Նալ-

ՀԱՅԱՍՏԱՆԸ ՄԻԱՆՈՒՄ Է ԱՄՆ ԿԱՌԱՎԱՐՈՒԹՅԱՆ ԳՐՈՒ ԾՐԱԳՐԻՆ

Հայաստանը դարձել է ԱՄՆ կառավարության կողմից ֆինանսավորվող խաղաղապահության նախաձեռնություններին աջակցող GPOI ծրագրի գործընկեր պետություն:

պիսին Հայաստանն է, կարողությունները: Այս նոր գործընկերությունը Հայաստանի և Միացյալ Նահանգների սերտ համագործակցության լուրջ ազդակ է, որով կարելի էր ու զմեռատվում է Հայաստանի պատրաստակամությունը մասնակցել միջազգային խաղաղապահ գործողություններում և ներգրավված գործընկեր պետությունների, ինչ-

նում և Լիբանանում: GPOI ծրագիրը ֆինանսավորվում է Խաղաղապահ գործողությունների հաշվից, որը տնօրինում է ԱՄՆ պետքարտուղարության ռազմաքաղաքական գործերի գրասենյակը: GPOI ծրագիրը ներկայումս գործակցում է 69 երկրների ու տարածաշրջանային կազմակերպությունների հետ:

4,8 ՄԻԼԻՈՆ ԵՎՐՈ ԲՅՈՒՋԵՏԱՅԻՆ ԱՉԱԿՈՒԹՅԱՆ ՇՐՋԱՆԱԿՆԵՐՈՒՄ



2010 թվականի բյուջետային օժանդակության գործառնությունների շրջանակներում, 2013 թվականի համար նախատեսված 6 մլն եվրո ընդհանուր փոփոխական հատկացման հիման վրա, Եվրոպական միությունը փոխանցում է Հայաստանի կառավարությանը 4,8 մլն եվրո դրամական հատուցում՝ Եվրոպական հարեւանության քաղաքականության Գործողությունների ծրագրում ամրագրված Պետական ֆինանսների կառավարման, հանրային հատվածի թափանցիկության բարձրացման և Եվրոպական միության ու միջազգային առևտային չափանիշի հետ ներդաշնակեցման ուղղությամբ իրականացվող բարեփոխումների դիմաց:

Այն հանդիսանում է Եվրոպական միության և Հայաստանի կառավարության միջև 2010 թվականին համաձայնեցված Բյուջետային օժանդակության գործառնությունների մի մասը: Բյուջետային օժանդակության ֆինանսավորումն իրականացվում է Հայաստանի կառավարության գանձապետարանի միջոցով:

սանում է բյուջետային օժանդակություն: Վերոնշյալ 4,8 մլն եվրո վճարումը հետևում է 2011 թվականի դեկտեմբերին կատարված 8 մլն եվրո վճարմանը՝ կազմելով ընդհանուր առմամբ 12,8 մլն եվրո: 1 մլն եվրո տրամադրվում է, որպես տեխնիկական աջակցություն, Հայաստանի պետական մարմիններին և նշյալ ոլորտներում ակտիվ ոչ պետական հաստատություններին:

Վճարման ծավալի նվազումը, նշյալ տրամշվ հաստատված 6 մլն եվրո ֆինանսավորման համեմատ, պայմանավորված է այն փաստով, որ չեն բավարարվել երկու պայմաններ, որոնք կապված են նորաստեղծ Պետական գնումների բողոքարկումների խորհրդի գործառնական կարողությունների հետ և արտաքին աուդիտի ոլորտում առաջարկությունների իրականացման մանրամասների հրապարակմամբ:

ԱՎԵԼԱՑԵԼ ԵՆ ՄՇԱԿՎՈՂ ՑԱՆՔԱՏԱՐԱԾՈՒԹՅՈՒՆՆԵՐԸ

Հայաստանում 2013 թվականին մշակվող ցանքատարածությունների մակերեսը 2010թ. համեմատ աճել է 12,41 տոկոսով և կազմել մոտ 320 հազար հեկտար: 2010թ. Հայաստանում մշակվում էր 283,6 հազար հեկտար ցանքատարածություն՝ ընդհանուր 449,2 հազար հեկտար վարելահողերից:




թերքների արտադրության ծավալների աճին:

Գյուղատնտեսության նախարարի հրամանով, տարվա մեջ 2 անգամ մարզպետարաններում տեղի են ունեցել շահագործող քննարկումներ՝ միտված երկրում հողային ռեսուրսների

արդյունավետ օգտագործմանը: Արդյունքում ունենք հետևյալը. 2010 թվականից մինչ օրս նվազման տեմպերը կանգ է առել, և 283,6 հազար հեկտարից 2013 թվականին օգտա-

գործող ցանքատարածությունները կազմել են 318,8 հազար հեկտար, այսինքն՝ շուրջ 35 հազար հեկտարով ավելացել են մշակվող ցանքատարածությունները: Դա հանգեցրել է գյուղմ-

ՊԱՌՃԱՆՎԵԼ Է ՀԱՅԱՍՏԱՆԻ ՆԱԽԱԳԱՐՆԵՐԻ ՍԱՐԳՍՅԱՆԻ ՀԱՅՐԸ՝ ԱԶԱՏ ՍԱՐԳՍՅԱՆԸ



Դեկտեմբերի 16-ին, 84 տարեկան հասակում, Սարգիսյանը հայտարարել է իր կողմից Հայաստանի նախագահ Սերժ Սարգսյանի հայրը՝ Ազատ Ավետիսի Սարգսյանը: «Վրաստան» թերթի խմբագրությունը հայտնում է իր վշտակցությունը և ցավակցում Սարգսյանների ընտանիքին:

ՍՄՀ ՊԱՏՎԻՐԱԿՈՒԹՅՈՒՆԸ ԵՐԵՎԱՆՈՒՄ

Դեկտեմբերի 17-ին Հայաստանի վարչապետ Տիգրան Սարգսյանն ընդունել է Արժույթի միջազգային հիմնադրամի (ԱՄՀ) հայաստանյան առաքելության ղեկավար Մարկ Հորթոնի գլխավորած պարվիրակությանը: Հանդիպման ժամանակ կողմերը քննարկել են Հայաստան-ԱՄՀ համագործակցության հետագա ընթացքը և հեռանկարները: Այս համալսարանում արժարժեք են Հայաստանի տնտեսական քաղաքականության հիմնական ուղղություններին և տնտեսության զարգացման միտումներին վերաբերող հարցեր:

ՀԱՅԱՍՏԱՆԸ՝ ՅՈՒՆԵՍԿՕ-Ի ԿՈՄԻՏԵԻ ԱՆԳՍՏ

Փարիզում, ՅՈՒՆԵՍԿՕ-ի կենտրոնակայանում, դեկտեմբերի 16-17-ին կայացավ Ձինված հակամարտության դեպքում մշակութային արժեքների պաշտպանության մասին 1954թ. Հաագայի կոնվենցիայի երկրորդ արչանագրության անդամ պետությունների 5-րդ հանդիպումը: Հանդիպման շրջանակներում, դեկտեմբերի 17-ին կայացան Ձինված հակամարտության դեպքում մշակութային արժեքների պաշտպանության կոմիտեի անդամների ընդհանուր նիստը: Զվարկության արդյունքում, Հայաստանը դարձավ կոմիտեի անդամ 4 փարի ժամկետով:

ՆՎԱԶԵԼ Է ՏՆԵԼԻՈՒԹՅԱՆ ԵՎ ՄԱՆՈՒՆՈՒԹՅԱՆ ՄԱՎԱՐՊՎԵ

Հայաստանում մանկական մահացության դեպքերը նվազել են: Նվազել են նաև ծնելիության դեպքերը: Այս տարվա հունվար-սեպտեմբերին 0-1 տարեկան տարիքային խմբում գրանցվել է 303 մահացության դեպք, անցած տարվա 351-ի փոխարեն: Իսկ ինչ վերաբերում է ծնելիությանը, ապա այս տարվա հունվար-սեպտեմբերին Հայաստանում ծնվել է 30 հազար 447 երեխա, նախորդ տարվա նույն ժամանակահատվածի 31 հազար 55-ի փոխարեն: Հայաստանում 13,7 %-ով ավելացել է նաև ամուսնալուծությունների թիվը: Նվազել են ամուսնությունների գրանցման դեպքերը՝ նախորդ տարվա 13 հազար 828 դեպքից դառնալով 13 հազար 473:

ՀԱՄԱՆԵՐՄԱՍԷ ԱԶԱՏՎԵԼ Է 679 ՊԱՏՎԱՐՍՅԱԼ

Հայաստանի արդարադատության նախարարության քրեակադրողական հիմնարկներից, 2013 թվականի դեկտեմբերի 16-ի դրությամբ, համաներմամբ ազատ է արչակվել 679 դատապարտյալ: Համաներման իրականացել է Հայաստանի Ազգային ժողովի հոկտեմբերի 3-ի «Հայաստանի Հանրապետության անկախության հռչակման 22-րդ տարեդարձի կապակցությամբ համաներմում հայտարարելու մասին» որոշման համաձայն:

ՀՈՒՆՎԱՐԻ ՄԵՎԻՑ՝ ՍԵՑՏԱԳՐԻ ՆՈՐ ՆՍՈՒՅՆԵՐ

Հայաստանի քաղաքացիները հունվարի 1-ից չեն ստանա հին նմուշի անձնագրեր: Գործող անձնագրերի ժամկետը լրանալուց հետո, դրանք կփոխարինվեն երկու փաստաթղթով՝ նույնականացման քարտով, որն ամբողջությամբ կիրառելի կլինի Հայաստանում և կփոխարինի գործող անձնագրին՝ Հայաստանում ցանկացած ծառայությունից օգտվելու ժամանակ, և ձանփորդական փաստաթղթով՝ կենսաչափական չեփի անձնագրով: Օրենքով դրանք կիրառվեն 15 աշխատանքային օրում, եթե քաղաքացիներն ուզում են ավելի շուտ ստանալ, ապա պետք է վճարեն լրացուցիչ:

ԵԿԵՂԵՑԱԿԱՆ

26.12.2013. Սուրբ Պետրոս եւ Պողոս առաքյալների հիշատակության օր

ԴԵԿՏԵՄԲԵՐ



ազատվել է բանտից: Ըստ ավանդության, նահատակվել է Յոնանի գլխի վայր խաչվելով: Մեզ են հասել նրա երկու ընդհանրական նամակները:

Սուրբ Պողոսը Տիրոջ 13-րդ առաքյալն է: Ծնվել է Կիլիկիայի Տարսոն քաղաքում, առաջին դարի սկզբներին, հռոմեական քաղաքացիություն ունեցող հրեա ծնողներից: Նրա վկայության համաձայն, եղել է փարիսեցի, խստորեն պահպանել օրենքի տաճն ու հալածել քրիստոնյաներին: Սակայն, Դամասկոսի ճանապարհին Յիսուս երեւացել է նրան, որից հետո Սողոսը՝ հետագայում Պողոս առաքյալը, դարձել է Ավետարանի ամենաեռանդուն քարոզիչը: Նրան մկրտել է Անանիա առաքյալը: Կատարել է մի քանի ճանապարհորդություններ՝ քարոզելով Աստծո խոսքը: Մեզ են հասել նրա 14 թուղթը: Ըստ ավանդության, նահատակվել է Յոնանի, 67 թվականին, Նեբոնի հալածանքների ժամանակ եւ գլխատվել: Հայ Առաքելական եկեղեցին Սուրբ Պետրոս եւ Պողոս առաքյալների հիշատակի օրը տոնում է Սուրբ Ծննդին նախորդող Ավագ տոների ժամանակ:

թյուն ունեցող հրեա ծնողներից: Նրա վկայության համաձայն, եղել է փարիսեցի, խստորեն պահպանել օրենքի տաճն ու հալածել քրիստոնյաներին: Սակայն, Դամասկոսի ճանապարհին Յիսուս երեւացել է նրան, որից հետո Սողոսը՝ հետագայում Պողոս առաքյալը, դարձել է Ավետարանի ամենաեռանդուն քարոզիչը: Նրան մկրտել է Անանիա առաքյալը: Կատարել է մի քանի ճանապարհորդություններ՝ քարոզելով Աստծո խոսքը: Մեզ են հասել նրա 14 թուղթը: Ըստ ավանդության, նահատակվել է Յոնանի, 67 թվականին, Նեբոնի հալածանքների ժամանակ եւ գլխատվել: Հայ Առաքելական եկեղեցին Սուրբ Պետրոս եւ Պողոս առաքյալների հիշատակի օրը տոնում է Սուրբ Ծննդին նախորդող Ավագ տոների ժամանակ:

Սուրբ Պետրոսը Տիրոջ 12 առաքյալներից էր, Անդրեաս առաքյալի եղբայրը: Նա Յիսուսի ամենասիրված առաքյալներից էր, Տիրոջ Պայծառակերպության եւ Յիսուսի հետ կապված կարեւոր մյուս դեպքերի ակնմատեսը: Նա ձկնորս էր, որի թվատության անունը Ծնանվոն էր, իսկ հունարեն՝ Սիմոն: Նրան Քրիստոս ասում է. «Դու Հովնանի որդի Սիմոնն ես. դու պիտի կոչվես Կեփաս»: «Կեփաս» նշանակում է «վեճ», հունարեն՝ Պետրոս: Սուրբ Պետրոսն առավելաբար հայտնի է ավետարանական այն դրվագից, երբ նա Յիսուսին դավանում է որպես Կենդանի Աստծո Որդի: Եվ Յիսուս հաստատում է, որ այդ դավանության, այսինքն՝ Քրիստոսու որպես աշխարհի Փրկիչ եւ Աստվածորդի, պիտի կառուցի իր եկեղեցին: Յիսուսի ձեռքակալման գիշերը Պետրոսը երիցս ուրացել է Նրան, սակայն հետո խորապես զղջացել է: Նրա կարեւոր գործերից էր հեթանոսների ներգրավումը եկեղեցի: Հերովդես թագավորը ձերբակալել է նրան, բայց հրաշքով

ԵՐԿԱԹՈՒՂԻ

ԹԲԻԼԻՍԻ - ԵՐԵՎԱՆ ԳՆԱՑՔԸ ԶՄՌԱՆԸ ԿԱՇԽԱՏԻ ՕՐԸՆԴՄԵՋ

Թբիլիսի - Երեւան ուղևորատար զնացքն ընթացիկ ձմռանը կաշխատի օրընդմեջ՝ պահանջարկի բացակայությանը պայմանավորված: Տոմսերի արժեքի բարձրացում է հի նախատեսվում:



Այդ մասին դեկտեմբերի 19-ին հրավիրված ասուլիսում նշեց «Հարավկովկասյան երկաթուղիներ» ՓԲԸ գլխավոր տնօրեն Վիկտոր Ռեբեցը: «Երեւան-Թբիլիսի ուղևորատար զնացքի աշխատանքի գրաֆիկը ձմռան համար սահմանված է օրընդմեջ: Ձույգ օրերին զնացքը կնկնի Երեւանից, կենտ օրերին՝

Թբիլիսից»,- ասաց Ռեբեցը: Նա նշեց դեկտեմբերին Երեւանից Թբիլիսի ուղևորատարներին քանակի որոշակի աճի մասին: Հաջորդ տարի ՀԿԵ-ի գնային քաղաքականության մեջ տոմսերի արժեքի բարձրացում է հի նախատեսվում: ՀԿԵ-ն իրականացնում է ուղևորափոխադրումներ դեպի Բաթումի (հունիսից՝ սեպտեմբեր) եւ Թբիլիսի (հոկտեմբերից՝ հունիս): 2012 թվականին միջազգային ուղևորափոխադրումների ծավալները 2008-ի համեմատ եռապատկվել են, իսկ Երեւան-Բաթումի-Երեւան ուղևորությունը՝ աճել 6 անգամ:

ՆԱԽԱԶԵՆՈՒԹՅՈՒՆ

ԱՆՎՃԱՐ ԱՆՁՆԱԿԱՆ ԿՎԱՅԱԿԱՆՆԵՐ՝ ՄԱՆԿԱՎԱՐԺՆԵՐԻՆ



Վրաստանի արդարադատության նախարար Թեա Ծուլուկիանու նախաձեռնությամբ, Արդարադատության տունը սկսել է անվճար անձնական վկայականներ հանձնել մանկավարժներին: Այդ մասին հայտնեց Թեա Ծուլուկիանին, որը, կրթության նախարար Թամար Սանիկիձեի հետ միասին, հանդիպում ունեցավ հանրային եւ մասնավոր դպրոցների ներկայացուցիչների հետ:

Ամանորյա այդ ակցիան կմեկնարկի դեկտեմբերի 23-ին եւ կշարունակվի մինչեւ հունվարի 23-ը: Դրա շրջանակներում, անվճար անձնական վկայականներ կարող են ստանալ բոլոր հանրային եւ մասնավոր դպրոցների այն մանկավարժները, ովքեր մինչ այդ վկա-

յականը չէին ստացել: Նրանք ոչ մի փաստաթուղթ չեն ներկայացնելու, նույնականացումը կիրականացնի տվյալների բազայի հիման վրա: Թբիլիսիում ուսուցիչները պետք է դիմեն ժամանակավոր սերվիսկետներին:

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ԴՅՈՒՐԱՑՎՈՒՄ Ե ՎԱՐՈՐԴԱԿԱՆ ԻՐԱՎՈՒՆՔԻ ՀԱՆՁՆՈՒՄԸ

Ինչպես հայտարարել է ՆԳ նախարարության մամուլ ծառայությունը, մեքենա վարելու դյուրացված թեստին ընդհանուր ունակությունների թեստը չի ավելացվի:

Քննությանը ունակությունների թեստը չի ավելացվի: Տեսական մասում փոփոխություններ չեն լինի, նշված է գերատեսչության հարողագրության մեջ: Հիշեցնենք, որ դեկտեմբերի 16-

ից ուժի մեջ է մտել վարորդական իրավունքի ստացման համար քննության նոր կարգը: Բնակչությանը տրվել է փոխանցման ավտոմատ խցիկով ավտոմեքենաների վրա էլ քննություն հանձնելու իրավունք:

ՄՊՈՐՏ ՄՊՈՐՏ ՄՊՈՐՏ

ՀՐԱՄՈՐԱԿՎԵՑ ԳԱՎԱՅԱԿԱՆՆԵՐԻ ՎԱՐԿԱՆԻՇԻ ՏԱՐԵՎԵՐՁՅԱՆ ԱՂՅՈՒՄԱԿԸ



Ֆուտբոլի միջազգային ֆեդերացիան (ՖԻՖԱ) իրապարակեց ազգային հավաքականների տարեկան վարկանիշային աղյուսակը: Վրաստանի հավաքականը պահպանել է նախորդ աղյուսակում զբաղեցրած դիրքերը եւ, 330 միավորով, գտնվում է 101-րդ տեղում: Մեկ հորիզոնականով ետընթաց է ունեցել Հայաստանի թիմը: Այն 716 միավորով 35-րդն է:

Լավագույն հավաքականների առաջին տասնյակում փոփոխություններ չեն կայացել: Կրկին աղյուսակը գլխավորում է Իսպանիայի հավաքականը: Լավագույն տասնյակում ընդգրկված են նաեւ Գերմանիայի, Արգենտինայի, Կոլումբիայի, Ուրուգվայի, Պորտուգալիայի, Իտալիայի, Շվեյցարիայի, Նիդերլանդների եւ Բրազիլիայի հավաքականները:

Ուկրաինայի հավաքականը 18-րդն է, իսկ Ռուսաստանինը՝ 22-րդը: Ադրբեջանի թիմը 363 միավորով զբաղեցնում է 94-րդ հորիզոնականը:

ՎՐԱՍՏԱՆԻ ՄԱՐԶԻՎՆԵՐԸ ԿԱՍՆԱԿՑԵՆ ՍՈՉԻԻ ՕԼԻՄՊԻԱԿԱՆ ԽԱՂԵՐԻՆ



Վրաստանի վարչապետ Իրակլի Դարիբաշվիլին հայտարարեց, որ իր երկրի մարզիկները կմասնակցեն 2014 թվականի փետրվարի 7-23-ը Սոչիում կայանալիք ձմեռային օլիմպիական խաղերին: Ընդամենը, Իրակլի Դարիբաշվիլին նշեց, որ սպորտը պետք է ազատ լինի քաղաքականությունից: Նշենք, որ մինչ այդ, Իրակլի Դարիբաշվիլին տեղեկացրել էր, որ Վրաստանը Սոչիի օլիմպիական խաղերին կառավարական պատվիրակություն չի ուղարկի:

«Վրաստան» թերթի աշխատակազմը, Վրաստանի հայ գրողների «Վերնատուն» միությունը խորապես վշտացած են թերթի նախկին աշխատակից, Վրաստանի վաստակավոր ժուռնալիստ, մի քանի գրքերի հեղինակ Սերգեյ ԱՄԱՔԵԼՅԱՆԻ մահվան կապակցությամբ եւ ցավակցում են հանգուցյալի հարազատներին ու բարեկամներին:



A large crossword puzzle grid with numbers 1 through 46 placed in various cells to indicate starting points for words.

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ
ՀՈՐԻԶՈՆԱԿԱՆ. 6. Պատճառ, առիթ: 9. Բույսերի ...: 10. Ծնունդով ջավախքի, սպորտային մեկնաբան ... Գիւրյան: 11. Նույն ազգի ներկայացուցիչ: 12. Թբիլիսիի հնոցիվանքում թաղված, պրոլետարական գրող ... Հակոբյան: 14. Հովի. Թումանյանի հերոս ... Կարո: 16. Վրաստանի ... ջուկատ: 18. Լեռնային, ոչ մի ձայն (ժող.): 20. Քաղաք Հայաստանում: 21. Հնագիտական ... ներ: 25. Արեւմտահայ գրող ... Մեծարենց: 26. Սիրտ կեղեքող, սրտաճմլիկ: 27. Ծառ, հարուստի մոտ աշխատող: 28. Առաջին եռանիշ: 29. ... ուժ: 31. Բելառուսի մայրաքաղաքը: 32. Թելատու բույս: 34. Կաթնամթերք: 38. Լեւի-...: 39. Փաստաբան: 41. Տարվա եղանակ: 42. Երկու մասի բաժանել: 43. Բռնակալ, տեր: 44. Հայ անվանի դուրդուկահար ... Գասպարյան: 45. Իրար միացված: 46. Կիզող, այրող:
ՈՐՂԱՆՆԱԿԱՆ. 1. Թբիլիսիի Պ. Ադամյանի անվան պետհայրամայի նախկին դերասանուհի Վեներա ...: 2. Սրտի բժիշկ: 3. Սայաթ-Նովան Սանահինի վանքում: 4. Թեւատակի հարմարանք քայլելու համար: 5. Սեղմ, հակիրճ, ամփոփված: 7. Հայկական լարային նվագարան: 8. Լեղին ջուր կտրած, շատ վախեցած: 13. ... Լի: 14. ... դառնալ: 15. Ամուսինների բաժանում: 17. Որեւէ բանում ... մտցնել: 19. Նետահար զինվոր: 20. Ջղայնաճալ, ավերից դուրս գալ: 22. Ձմախառն քամի: 23. Հայոց թագավոր: 24. Հայ գուսան: 25. Գեղեցիկ ծաղիկ: 29. Ֆլան-...: 30. Փոքրիկ նավ: 31. Հայաստանի քաղաքներից: 33. Շրջիկ մանրավաճառ: 35. Երգչի ձայն: 36. Երկարապոչ, սեւ թռչուն: 37. Ոտքի հետք: 39. Հայ ֆիդայի Նիկոլ ...: 40. Քաղաք Ֆրանսիայում:
Կազմեց ԱՆՆԱ ՍԱՐԻԲԵԿՅԱՆԸ

Խմբագիր՝ ՎԱՆ ԲԱՅԲՈՒԹՅԱՆ
Մեր հասցեն՝ Թբիլիսի 0105
Գ. Աթոնելի փ. 5 հեռ. 2990-739, 2990-774
www.vrastan.ge
E-mail: vrastan@caucasus.net
Գրանցման վկայական
№ 4 4 - 1439
«ԿՈԼՈՐ» իրատարակչություն
"ВРАСТАН"
Тбилиси, Грузия
«VRASTAN»
Georgia, Tbilisi
Индекс 66445